

# Alkawla kaane yimbe maldube

## E jannde ballunde



### Ko teddi

Fiirtigol e jannde ballunde ummaakinaa dow dewtere nde Biron mawngol hiilniingol potal yimbe maldube (BFEH) leyde Suwiisi, nde Waade Haaloobe faranshire walloore maldube (AFRAHM) winndi dow mballa Waalde ndewgu Walon daraniinde faa maldube mboowta nanna ko'e mubben ley jamaa (AWIPH).

Nani laawol ngol neddo rewata ley enternetti de yi'ita Alkawla oo :

<http://www.admin.ch/opc/fr/classified-compilation/20122488/index.html>



## **Dume woni loowdi winndannde ndee ?**

1.	Alkawla oo .....	4
2.	Dume ko rewti dūm fiirtata ? .....	4
3.	Haalaaji teddudī ley Alkawla oo. ....	4
4.	Ko leyde njeyi wadude .....	5
5.	Laataade go'otum .....	5
6.	Rewbe maldube na njeyi haybireede no woodiri.....	5
7.	Sukaabe maldube na njeyi haybireede no woodiri.....	6
8.	Hollude yimbe ko woni malal.....	6
9.	To waawi yaheede/hebeede.....	6
10.	Haanere nguurndam.....	7
11.	Wakkati tiidormaaji .....	7
12.	Haybireede no hegitori banngal luwaa.....	7
13.	Yahude to gosoyte.....	8
14.	Maldube kewta ko'e mubben de tawe bonnde fu hewtataako boy .....	8
15.	Taa be torle maa be kaybire no boniri .....	9
16.	Taa be ndoolde maa be tampine .....	9
17.	Suurugol yimbe maldube .....	9
18.	Yiilagol e jeyeede leydi.....	9
19.	Nguurndam ley kewtal ko'aaku e taweede ley jamaa.....	10
20.	Yiilndeeji mona kala .....	10
21.	Taweede maldube na mbaawi haalude ko kaaja, na be mbaawi hebude kibaaruuji .....	11
22.	Nguurndam suuriidam .....	11
23.	Teddinde hodorde e koreeji maldube .....	11
24.	Mbiirdi .....	12
25.	Njamu.....	13
26.	No yimbe maldube mbaawiri woowtirde .....	13
27.	Golle .....	14

<b>28. Daliili nguurndam .....</b>	<b>15</b>
<b>29. Nannude hoorem ley politikki.....</b>	<b>15</b>
<b>30. Piirtol terde e belte .....</b>	<b>16</b>
<b>31. Kibaaruuji .....</b>	<b>16</b>
<b>32. Leyde dee ngollidan .....</b>	<b>17</b>
<b>33. Tabintinde Alkawla oo, tuumtaade dewol makko ley Suwiisi.....</b>	<b>17</b>
<b>34. Fedde kaane yimbe malduube .....</b>	<b>17</b>
<b>35. Kabbondiral leyde koddirde tabintinan Alkawla oo .....</b>	<b>17</b>
<b>36. Ndaarugol kumpite .....</b>	<b>18</b>
<b>37. Komitte e leyde dee fu ngollidan.....</b>	<b>18</b>
<b>38. Noye Komitte oo gollidirta e baale godde dee ?.....</b>	<b>18</b>
<b>39. Kumpital Komitte .....</b>	<b>19</b>
<b>40. Kawrital leyde maandinde Alkawla oo.....</b>	<b>19</b>
<b>41. Moobude kumpite dee e kibaaruuji dii fu .....</b>	<b>19</b>
<b>42. Maandingol Alkawla oo .....</b>	<b>19</b>
<b>43. Paamiral leyde.....</b>	<b>19</b>
<b>44. Feddeeji leyde .....</b>	<b>20</b>
<b>45. Ndeye Alkawla oo fudduta ?.....</b>	<b>20</b>
<b>46. Sabaabuuji salagol .....</b>	<b>20</b>
<b>47. Battite Alkawla oo.....</b>	<b>20</b>
<b>48. Soni leydi na haaja wurtagol Alkawla oo.....</b>	<b>20</b>
<b>49. Jannde ballunde .....</b>	<b>21</b>
<b>50. Alkawla oo, fiirtire e haalaaji goddi.....</b>	<b>21</b>

## **1. Alkawla oo**

Alkawla oo, hollataana ko leyde njeyi gollude faa yimbe maldube keba kaane hono no yimbe fu.

## **2. Dume ko rewti dūm fiirtata ?**

**Alkawla**, yo dow huunde nde leyde keewde paamiri.

Doo, yo paamiral dow kaane yimbe maldube.

**Kumpital**, yo no yimbe maldube mbaawiri wallireede faa kaala dey piipta kibaaru.

Hono : ordinateere, jannde ballunde maa binndi dī wumbe nawtorto.

**Cenndiigu**, yo senndugol neddo maa hiisoragol neddo no hegitoraaki saabe yo maldudo.

**Cenndeede**, yo nde neddo hiisoraan no hegitoraaki.

**Haala**, yo daliiliji fu, dī neddo nawtorto faa haalda e goddo, ley majji alaamaaji na doon.

**Kaane bii-Aadama**, yo kaaneesi fu burudi teddude dī yimbe fu njeyi rewude, faa tukkita maldube.

## **3. Haalaaji teddudī ley Alkawla oo.**

Yimbe maldube ndooldataake ley cubol mubben. Fay go'oto e mabbe senndataake.

Yimbe maldube na njeyi limeede ley yimbe.

Yimbe maldube e sukaabe maldube na njeyi teddineede.

Yimbe fu, na njeyi tawreede mbel-ko'aakuuji go'oti.

Worbe e rewbe fu, na njeyi tawreede mbel-ko'aakuuji go'oti.

#### **4. Ko leyde njeyi wađude**

Leyde fu na njeyi taññorde ke yimbe maldube na kaybire no woodiri, na be njeyi naforaade kaane bibbe-Aadama en.

Leyde fu paamiri faa :

ngada sartiji e luwaaji paabantoodi yimbe maldube nawtoraade kaane mubben ;

wattitinde luwaaji di potanaa yimbe maldube ;

taññora de ndewan kaane yimbe maldube faa be kaybire no woodiri ley aadiiji politikki adetee-di fu ;

taa fay go'otum lunndii-dum Alkawla oo wađe ;

taññorde ke laamiibe ngadan ko Alkawla oo darni ;

taññorde ke neddo fu wadataa yimbe maldube ko hegitaaki.

#### **5. Laataade go'otum**

Leyde dee na paamiri ke yimbe fu yo go'otum banngal luwaa, ko beydi, yimbe maldube mbaawaaka Wadeede ko hegitoraaki. Yimbe maldube tawube ko ngada dum hegitaaki fu, na mbaawi yahude gosorde.

#### **6. Rewbe maldube na njeyi haybireede no woodiri**

Leyde dee paamiri faa be kolla ke wakkati gomma rewbe e surbaabe maldube na cennde.

Leyde dee na njeyi taññorde ke rewbe e surbaabe maldube na kewti ko'e mubben, na be mbuuri nguurndam mabbe, na be kiisore hono no yimbe fu.

## **7. Sukaabe maldube na njeyi haybireede no woodiri**

Leyde fu paamiri kolli ke sukaabe maldube e sukaabe wobbe be fu yo potu nder kaane, na be njeyi haybireede hono no sukaabe wobbe be nih.

Ko woodani suka fu, dñum jeyi teddineede.

Leyde fu paamiri kolli ke sukaabe maldube na ngoodi haanere kaala ko woodani-boy. Be keban mballa dow majjum.

## **8. Hollude yimbe ko woni malal**

Leyde fu paamiri faa kolla yimbe ko woni malal. Ko beydi, leyde fu kollan ke kaane yimbe maldube e yimbe fu yo potu.

Leyde dee paamiri faa kolla ke yimbe maldube na mbaawi wadude ko heewi.

Nani ko wadete :

tinndinoje faa miilooji yimbe dow nguurndam yimbe maldube mbattito ;

hollugol yimbe golleeji di yimbe maldube mbaawi gollude ;

hollugol sukaabe potal haybugol banngal maldube ;

jaaragol kumpitoobe kollira maldube no woodiri.

## **9. To waawi yaheede/hebeede**

Leyde dee na njeyi moyñinde laabi nokkuuje to yimbe maldube mbaawi yahude. Gereeji fu.

Kewtol garuuje laamu hono dokotorooje, lekkolji, ko beydi ya jahaangal (taransipooraaji) na njeyi moyñineede.

Hebugol kibaaru na jeyi tawe na moyñi.

Binndande na njeyi tawe mbinndiraama no hoyiri, tawe de mbinndiraama Baray du.

Na jeyi mballitoobe e nantinoobe faadube tawe ley sarwiisiji laamu leydi.

Sey laabi faa anndite no yottoragol sarwiisiji laamu leydi waawiri moyfinireede darne.

Golloobe be fu, na jeyi termude faa ko be ngadanta maldube tawe na ballani boy.

Janndeji kabbodiidi e ko waawi wadeede na njeyi janngineede.

Maldube na njeyi daraneede faa keba daliiliji annde kese.

## **10. Haanere nguurndam**

Yimbe fu na ngoodi haanere nguurndam, faa tawti maldube.

Leyde dee na njeyi taññorde ke maldube na ngoodi mbel-ko'aaku mbuurda hono no yimbe fu.

## **11. Wakkati tiidormaaji**

Yimbe maldube na njeyi jinnganeede wakkatiji tiidorma, hono wawtu yuhoole mawde.

## **12. Haybireede no hegitori banngal luwaa**

Luwaa na jeyi saanude yimbe maldube hono no neddo kala.

Yimbe maldube na ngoodi haanere ada aadiiji tedduudi kabbodiidi e nguurndam mubben.

Yimbe maldube na njeyi walleede soni na be muuyi. Na be njeyi walleede soni be adii aadiiji.

Soni neddo malduido muuyi goddo loomta-dum haala, sey taññore ke dum wadirte no hegitori.

Yimbe maldube na ngoodi kaane hono no yimbe fu, faa :  
njogo jawdi, kokka ndi du ;

kawjo ceede mubben. Ñalmo ceede ;  
ndesa ceede mubben, ndaarana galle mubben.  
Leyde dee na njeyi wallude maldube faa kawjo jawdi mubben.

### **13. Yahude to gosoyte**

Maldube e yimbe wobbe be fu, potu kaane banngal gosirde.  
Yimbe maldube na mbaawi ḥaaraade mballa soni na tilsí faa be  
toomto kaane mabbe.  
Leyde dee na njeyi wadande gosotoobe, poliisi en, yimbe ngolloobe  
ley kasuuji janndeeji (formasiyonji) cubaadí faa be keba be mballa  
maldube.

### **14. Maldube kewta ko'e mubben de tawe bonnde fu hewtataako boy**

Maldube na njeyi hewtude ko'e mubben tawe bonnde fu hewtaaki be.  
Maldube mbaawaa kaseede batte yo be maldube tan soni wanaa  
luwaa darni maa soni be ngollayna ko luwaa hadí.  
Soni maldube kasaama, na be njeyi haybireede hono no Alkawla oo  
darniri nih.  
Maldube na njeyi jogaade kaane go'ote tawe na de kabbodi e luwaaji  
darnaadí ley leyde dee.  
Alkawla oo na ḥaaro leyde dee :  
kokka maldube kibaaru paaminiido dow kaane mabbe ;  
kokka mballa e gollitirdí faa maldube njinngana ko'e mubben to  
gosete ;  
kokka maldube laawol be ḥaaro gosirde ndaartino talki mabbe wakkati  
mo yimbe fu mbaawi wadude dūm.

## **15. Taa be torle maa be kaybire no boniri**

Yimbe malđube njeyaaka torleede maa haybireede no boniri.

Malđube mbaawaaka nawtoreede banngal enndi, ko buri fu, enndi kabbodiidi e lokotoraaku (soni wanaa dow yarda mabbe).

## **16. Taa be ndoolde maa be tampine**

Leyde dee na njeyi tuumtaade ke malđube ndooldataake, be nawtortaake, be nawtortaake no wellitori ley galle e ley wuro du.

Leyde dee na njeyi hadude wilngooji de de taññora ke gollitirde lobbe, kibaaru lobbo e jannde lobbere na woodi faa wilngooji tayke dey dī anndine.

Leyde dee na njeyi taññorde ke sarwiisiji ballooji malđube na tuumtore no woodiri faa wilngo fu lalline.

Leyde dee fu na njeyi taññorde ke malđube wilngaabe na keba mballa nde be kaaja faa be ndeeno de be kisa tampineede.

Leyde dee fu na njeyi taññorde ke na de ngoodi daliiliji faa de anndita tampiriji malđube dey de njahra tampinoobe been to gosete.

Leyde dee fu na njeyi, ko buri fu, de kakkilana tampiriji rewbe e sukaabe.

## **17. Suurugol yimbe malđube**

Malđube, kamboy nawtorto terde mubben e miilo mu'en. Na be njeyi teddineede hono no yimbe fu.

## **18. Yiilagol e jeyeede leydi**

Yimbe malđube na ngoodi haanere :

cubo to be kodata, yiilooraade no be kaajora.

laataade bii-leydi.

jogaade talki hono paasipoor. Wurtaade ngenndi fu, faa tukka leydi mabbe.

Sukaabe maldube na njeyi tawreede jammoore, laataade bii-leydi, e, soni na waawi laataade, na be njeyi anndude saaraabe mabbe.

Saaraabe mabbe njeyi bambude be.

### **19. Nguurndam ley kewtal ko'aaku e taweede ley jamaa**

Leyde dee na njeyi taññorde ke yimbe maldube na mbaawi subaade tawe na hawriri no be mbuurdi e no be ngollidirta e jamaa.

Yimbe maldube na mbaawi subaade :

do be kodata ;

Yimbe be mbuurdata ;

mballaaji cubaadī dī be kaaja faa tawti mballa hoorem ;

mballaaji mboowaadi, hebude mballa lobbo.

### **20. Yiilndeeji mona kala**

Leyde dee na njeyi taññorde ke yimbe maldube na kewti ko'e mubben ley yiilndeeji.

Na de njeyi :

wallude yimbe maldube faa tawe ley jahaale mabbe fu, na be kewti ko'e mabbe.

daraade fa yimbe maldube keba mballa potando boy ley yiilndeeji mubben. Hebude mballa potando e maldube.

taññorde ke ceede mballaariiji dīn dūudaa sanne. Na de njeyi humpitinde no mballa oon hebirte.

huynude dente mawde faa ley ko de ngadata fu, de ndaara saddaaaji di yimbe maldube mbaawi tawreede.

huynude dente mawde tawe ley ko de ngadata fu, de yeewa saddaaaji yimbe maldube.

## **21. Taweede maldube na mbaawi haalude ko kaaja, na be mbaawi hebude kibaaruji**

Leyde dee na njeyi taññorde ke yimbe maldube na mbaawi jaaraade, hokkude kibaaru e haalude ko kaaja.

Dow majjum, leyde dee na njeyi :

hokkirde maldube kibaaru e haala paaminiika.

daraade faa maldube nawtoro muugaare maa Baray maa gollitirgal gonngal kala.

huynude sarwiisiji laamu faa kokka kibaaru paaminiido.

huynude heba ko hokkata maa kokkoobe kibaaru fu, tawe maldube na mbaawi yottaade dum/be.

## **22. Nguurndam suuriidam**

Yimbe maldube na njeyi tawreede nguurndam suuriidam.

Leyde dee na njeyi taññorde ke kibaaruji kabbodiidí e maldube na cuuri maa yo kambe tan anndi dí.

## **23. Teddinde hodorde e koreeji maldube**

Leyde dee na njeyi taññorde ke yimbe maldube na ngoodi kaane hono no yimbe fu banngal dewgal, koreeji e banngal yigiraagu.

Leyde dee na njeyi taññorde ke :

yimbe maldube yo potu e kaane ley dewgal, ley hebugol sukaabe soni wonndube ben na kaaja.

yimbe maldube na ngoodi haanere keba hakke sukaabe be be kaaja e wakkati nde be kaaja. Ko beydi, be ndimdintaake soni be kaajaaka.

yimbe maldube na ngoodi haanere faa ndaarana nguurndam koreeji mubben, be keba kibaaruuji mbaawudi wallude be banngal majum.

yimbe maldube na njeyi hebude mballa faa mara koreeji mubben.

leyde dee kokkan saaraabe kibaaruuji de mballa be, be laato saaraabe saahiibe. Sukaabe maldube na ngoodi haanere taa cennde e koreeji mubben soni be kaajaaka, soni wanaa luwaa holli d'um ley mballa suka oo.

ko nafata sukaabe fu, d'um burete teddineede.

sukaabe njeyaa senndeede e koreeji mubben saabe saaraabe mubben yo maldube. Wakkati gomma, go'oto koreeji na waawi marude suka.

## **24. Mbiirdi**

Yimbe maldube na ngoodi haanere mare, naata lekkol.

Leyde dee na njeyi taññorde ke yimbe maldube na janngine, na be mbaawi yahrude jannde mabbe yeeso ley nguurndam mabbe dam fu.

Na de njeyi daraade :

faa yimbe maldube mbaawta kolla baawde mubben, koolo ko'e mubben dey be ketta do be mbaawi hettude ley aduna do.

taa yimbe maldube mburtine lekkol.

yimbe maldube na ngoodi haanere naata lekkol ngenndi lobbo, be njeyaa yobirde hono no yimbe fu nih.

yimbe maldube na mbaawi hollude muuraaduucci mubben soni na yoni.

yimbe maldube keban mballa lobbo faa ekito.

yimbe maldube na mbaawi ekitaade Baray (gollitirde wumbe ley jannde) maa ko laati laawol nannantiral ngol be kaaja fu.  
maldube na mbaawi ekitaade no muugaabe kaalirta de tawe dum hooyiraama hono no haala muugaabe nih.  
sukaabe muugaabe e wumbe na ngoodi haanere njannga, na be njeyi waliede soni na tilsi faa dum wallabe ley jannde mabbe.  
faa jannginoobe tawre annde lobbe.  
yimbe maldube na mbaawi heddaade na jannga ley manngu mabbe soni na be kaaja.

## **25. Njamu**

Yimbe maldube na ngoodi haanere njamu, na be njeyi sawreede, faa tukkita yaajingol ndimu.

Leyde dee na njeyi taññorde ke :

yimbe maldube na njeyi sawrireede hono no yimbe fu nih.

yimbe maldube na njeyi sawrede ley lokotoroore nde be kaaja fu saabe malal mabbe.

dokotorooje na batti do yimbe ngoni.

jom en anndal banngal njamu cawriran yimbe maldube hono no yimbe fu nih.

yimbe maldube cenndataake banngal njamu e ndeenaagu saabe yo be maldube.

yimbe maldube mbaawaaka taa ndaarane maa taa be cawre saabe yo be maldube

## **26. No yimbe maldube mbaawiri woowtirde**

Soni na waawi laataade, leyde dee na njeyi taññorde ke yimbe maldube na mbaawi wuuirde no woodiri tawe yo ley kewtal ko'aaku.

Na de njeyi wallude be banngal njamu, golle, jannde e mballaariiji kabbodiido e nguurndam.

Leyde dee kakkilana haajuuji e semmbeeji yimbe maldupe law faa be keba mballaari e sarwiisiji dī be muuyata.

Sarwiisiji dīn na njeyi battaade do yimbe ngoni. Golloobe ley majji na njeyi janngineede heba be ngollira no woodiri.

Leyde dee na njeyi hakkilande siji mballaariiji e gollitirde tilsande yimbe maldupe.

## 27. **Golle**

Yimbe maldupe na ngoodi haanere ngolla hono no yimbe fu, be cubo gollal mabbe, be keba ko be mbuurda.

Leyde dee na njeyi daraade faa bura no de ndarori hannden nih faa yimbe maldupe keba golle :

de ada luwaaji kolooji ke yimbe maldupe na ndaarde no woodiri do be ngollata fu.

de taññora ke yimbe maldupe e yimbe fu yo potu kaane e jone ley gollal, njobdi ndin du yo go'otum.

de taññora ke yimbe maldupe na ngoodi haanere naatude ley waaldeere darontoonde golloobe hono no neddo kala.

de taññora ke yimbe maldupe na mbaawi nannude ko'e mubben ley keeye golle faa be keba golle, na be mbaawi naatude ley janndeji faa be keba golle.

de mballa yimbe maldupe keba golle dey be keddodo e maggal, be mballe be keba gollal lobbal.

de mballa yimbe maldupe ndarna gollal mubben.

de mballa maldupe faa ngollana leydi maa ngolla ley dokotorooje.

de ndaro faa feddeeji golle (anterepirijiiji) paaboro maldupe golle.

de taññora ke maldube na ngoodi nokku golle lobbo.  
de taññora ke maldube na mbaawi hebude annde ley gollal mubben.  
de mballa maldube faa aditoo golle.  
Leyde dee na njeyi taññorde ke maldube nawtortaake maa  
ndooldataake ngolla tawe njobaaka.

## **28. Daliili nguurndam**

Yimbe maldube e koreeji mubben na ngoodi haanere daliili  
nguurndam. Ley majjum na limte ñaamdu, kolte, gonndal e ndiyam  
laabudam.

Yimbe maldube na njeyi mbaawta burtina daliili nguurndam mubben  
hono no yimbe fu nih.

Leyde dee na njeyi taññore ke :

maldube na ngollirane (njannginire, cawrire...) no woodiri, na be  
mballe faa fotira no be ngorndi tawe njobdi ndin duudaay.  
yimbe maldube (maldube), ko buri fu surbaabe, rewbe e nayeebe, na  
njeyi paaboreede mballa faa be keba daliili nguurndam lobbam.

maldube talkaabe na njeyi hebude mballa laamu leydi.

maldube na njeyi hebude cuudi ñi laamu leydi ñibata de coggu mu'en  
duudaa.

maldube na ngoodi kaane ada powtiri (reterette) mubben hono no  
yimbe fu.

## **29. Nannude hoorem ley politikki**

Maldupe na ngoodi haanere nanna ko'e mubben ley politikki hono no  
yimbe kala : na be mbaawi wotude, na be mbaawi woteede du.

Maldupe na ngoodi haanere wote :

tawe na be kooli ke yottagol to wotete toon na balli, na faamini.

tawe na be kooli ke wote oon na suuri, neddo ittanta hoorem, do doole fu walaa. Tawe be keban mballa no be kaajora soni na tilsi.

tawe na be kooli ke yimbe maldube na ngoodi haanere nanna ko'e mubben ley feddeejji dī ngollantaa laamu leydi e baale politikki.

tawe na be kooli ke maldube na ngoodi haanere naata ley baale yimbe maldube faa be loomta be.

tawe na be kooli ke maldube na ngoodi haanere yama subeede wawtu wote depitee en maa konseye en.

### **30. Piirtol terde e belte**

Maldube na ngoodi haanere piirta terde mubben dey be mbelto.

Leyde dee na njeyi taññorde ke gollitirde hono dewte na kebo.

Telee, sinima maa teyaatiri na kebo, na mbaawi yeheede.

Maldube na mbaawi yahude nokkuuje hono ley cuudi gineiji finaataawaaji.

Maldube na mbaawi laataade ñeeño.

Dowle e luwaaji tinnantaa maldube kebol dewte e sinimaaji.

Finaatawa pahidimbe e finaataawaaji goddi fu teddinaama.

Maldube mballete ley piirtol terde gadeteengol wawtu kala.

Maldube na mbaawi wadude piirtol terde ngadanaa-ngol maldube tawti belte.

Nokkuuje de piirtol terde wadete e nokkuuje belte godde tiidaa yotteede. Sukaabe maldube kadataake taa piirta terde mu'en, taa mbelto.

### **31. Kibaaruuji**

Leyde dee na njeyi hawrondingol kibaaruuji mballooji de faa de ndarna oo Alkawla.

Kibaaruuji mona kala na njeyi suureede, na dì njeyi hawrondineede ley teddeengal kaane bibbe-Aadama en.

Leyde dee na njeyi taññorde ke kibaaru oo na waawi yottagol maldube.

### **32. Leyde dee ngollidan**

Leyde dee na njeyi gollidinde faa dë tabintina oo Alkawla.

Na de njeyi taññorde ke :

« gollidinde », fiirtataana gollidinde, gollande maldube.

leyde dee kokkondiran kibaaru, jannde e anndal faa yimbe fu ngolla, dey ngollira no woodiri.

Leyde dee ngollidan faa de kuyna tefal dey dë kokkondira ko dë nji'iti.

### **33. Tabintinde Alkawla oo, tuumtaade dewol makko ley Suwiisi**

Guvernemaaji na njeyi :

tawreede nokku kawrital guvernemaaji faa dì tabintina oo Alkawla.

tawreede daliili faa dì eta dewol Alkawla oo. Maldube nanne ley etu dewol Alkawla oo.

### **34. Fedde kaane yimbe maldube**

Leyde dee na njeyi wotude fedde (komitte) subaande faa nde taññora ke oo Alkawla tuumtorte no woodiri. Fedde nden na jeyi taweede to Fedde leyde aduna to (innditirteende Nasiyo inii).

### **35. Kabbondiral leyde koddirdé tabintinan Alkawla oo**

Leydi fu na jeyi winndude kumpital gollal ngal e beydaari maggal fa Alkawla oo rewe.

Leydi fu na jeyi hokkude fedde kaane yimbe maldube (komitte) kumpital mayri ley duubi 2 caggal maandingol mayri Alkawla oo.

### **36. Ndaarugol kumpite**

Komitte oo na jeyi janngude kumpite de hokka miilooji e yarda dow ko leyde dee mbaawi wadude. Komitte oo na waawi ɳaaraade kibaaruuji beydita.

Soni neebi de leydi hokkaay kumpital muudum, Komitte oo na waawi miccintinde ndi ke ley lebbi 3, o wadan tuumtol ley leydi ndin.

Leyde maandinde Alkawla oo fu, na njeyi hebude kumpite leyde godde maandinde Alkawla oo.

Leyde dee na njeyi taññorde ke kumpite den e tinndinoanje Komitte na kewta jamaa. Komitte oon na waawi nildude kumpite den departemaaji e baale soni Komitte oon na haaja tinndinoanje majji.

### **37. Komitte e leyde dee fu ngollidan**

Leyde dee ngollidan e Komitte oo, de kokkan Komitte oo kibaaruuji di o haaja.

Komitte oo miiloto no o wadata, tawe na woodi de gollida e leyde dee.

### **38. Noye Komitte oo gollidirta e baale godde dee ?**

Na yoni ko leyde dee e baale dee ngollida faa tabintina Alkawla oo.

Komitte ɳaaroto departemaaji e baale feerefereeje kokka yardaaji mubben e kibaaru kabbodiidi e gollal majji.

Komitte oo na waawi ɳaaraade baale kaane bibbe-Aadama en godde faa de piirta no de kiisorto Alkawla oo ley golle majje.

### **39. Kumpital Komitte**

Komitte oo na jeyi winndude humpita Batu Kuubudo e Fedde tinndinoore banngal riiku e nguurndam ley duubi 2 fu. Kumpite dēn na njeyi hollude tinndinooje leyde dow ko jeyuno golleede.

### **40. Kawrital leyde maandinde Alkawla oo**

Leyde maandinde dee na njeyi yiidude wakkati-wakkati heba de piloo daliiliji faa Alkawla oo rewe.

Ji'idal go'abal ngal na jeyi wadeede ley lebbi 6 dow pudde tabinntingol Alkawla oo. Hooreejo (Seketteere jeneral) Waalde leyde aduna na jeyi anniyaade jiide godde. Hooreejo (Seketteere jeneral) Waalde leyde aduna, kam woni mawdō gollal kawronndinoowal leyde aduna fu.

### **41. Moobude kumpite dee e kibaaruoji dii fu**

Hooreejo (Seketteere jeneral) Waalde leyde aduna mooban kumpite dee fu e kibaaru kabodiido e gollal ngal.

### **42. Maandingol Alkawla oo**

Leyde dee na mbaawi maandinde Alkawla oo gilla 30 lewru marsi nokku golle Waalde leyde aduna, to New Yorke to.

### **43. Paamiral leyde**

Leyde dee na njeyi tawe maandini Alkawla oo, nden, yo tilaay de ndewa ko o darna. Leyde de maandinaay Alkawla oo, na mbaawi maandinde o faa darde hannde.

#### **44. Feddeeji leyde**

Leyde godde naati ley Alkawla oo, ammaa yo dow waalde, hono, leydi raneebe (Eroppi).

Baale den na mbaawi naatude ley Alkawla oo dey de kolla ndeye leyde den kaalata haala Alkawla oo.

#### **45. Ndeye Alkawla oo fudduta ?**

Alkawla oo fuddataana balde 30 caggal nde leyde 20 njabi maandini o.

#### **46. Sabaabuuji salagol**

Leyde dee, mbaawaa salaade maandinde Alkawla oo dow bolum.

#### **47. Battite Alkawla oo**

Leyde dee na mbaawi ዳaraade battite ley Alkawla oo. Na de mbaawi winndude de kokka Hooreejo (Seketteere jeneral) Waalde leyde aduna, kam du yottina leyde godde dee.

Leyde dee adataa ke na de njeyi yi'idude faa de kaala haala battite, ke na de paamiri faa de mbattita Alakawla oo.

#### **48. Soni leydi na haaja wurtagol Alkawla oo**

Leydi fu na waawi darnude dewal Alkawla oo, ammaa sey ndi winnda ndi hokka Hooreejo (Seketteere jeneral) Waalde leyde aduna (ONI).

Leyde dee ndarnan dewal Alkawla oo hitaande caggal nde leetere nde yotti Hooreejo (Seketteere jeneral) Waalde leyde aduna

#### **49. Jannde ballunde**

Alkawla oo na jeyi winndireede no balliri.

#### **50. Alkawla oo, fiirtire e haalaaji goddi**

Alkawla oo winndirte e Engeleere, Araabiire, Sinuwaare, Esepañol, Faransiire e Risiire, tawe o fotu ley haalaaji dii fu.